

高平縣志卷之十

藝文志

徵階樂院蘄摘藻之才名山大川誇作賦之手期與
班馬齊驅韓蘓並駕寧獨連篇累牘績風雲月露之
形已乎千首而輕萬戶萬卷不易百城此非金玉爾
音什襲藏之也亦欲其知著書立說之重爾志藝文
詩

高平縣東私路

唐李賀

高平縣志

貞集

卷十

侵侵榭葉香木花滯寒雨今夕山上秋永謝無人處
石磧遠荒澀崇實懸辛苦古者定幽尋呼君作私路
長平吊古
明大中丞蕭 啓

驛路臨長平驛亭繞古木風葉落寒濤雲林接幽谷
丹河留舊名戰場作新陸嗟彼趙公子枉爾父書讀
臨陣無訐謀一敗身即仆遂致不仁徒得以肆驕
四十萬雄兵僅留一百卒枯骸盈野疇英雄依舊
逝水咽不流毋言可三復



勉勵于諸生

御史史可行

大明光八絃吾皇聖天縱撥亂開太平嘉祥致麟鳳
輔治求士儒才能俱錄用乘駟過雷封少緩青絲鞵
縣官竚郭門知法禁迎送相隨謁泮宮興伏禮云中
濟濟來一珮中瑯瑯奏絃誦載瞻先達祠人物列唐宋
玉立廟二御姿名成摠鄉貢古今時則殊道義人所共
諸生繼以方躅美質皆出衆明堂若需材期爾作梁棟

瓊心郎婦瑞芝墓

縣尹劉鳳池

高平縣志

貞集

卷十

二

桑鵠貽古刺女子井和同大節棄塵土誰能起顏風
貞哉邵子婦遭涉多艱窮殘燈照深閨秋壁鳴寒蟲
嗟嗟未亡人九原信可通震雷轟景臺齊史昭天功
靈苗豈無謂而產佳城中九莖絢幽谷五色耀晴虹
夭桃耻凋落顛比蘭桂叢馨馥流千古令名與之同
嘆彼濮上女何殊犬彘行陰柔性易轉書為座右銘

勸學

宋學士黃 蕪

河東人物氣勁豪澤州學者如牛毛大家子弟手

其次亦滄誇弓刀去年校射九百人五十八人同
賜袍今年兩科取進士十子釣海登靈鷲邇來習俗
益遷善家必開戶爭相高駟兒市上買書讀寧使田
間禾不孳我因行縣飽聞見訪問終日忘勤勞太平
父老知此否語汝聖世今難遭欲令王民盡知教先
自鄉里蒸群髦古云將相本無種從今著意鞭兒曹
長平戈頭 明誠意伯劉 基

長平戰骨烟 塵飄歲久遺 戈金不銷野人耕地初拾
高平縣志 貞集 卷十 三

得土花漬出 珊瑚色邯鄲小兒強所事枉使泥沙埋
利器四十萬 人非少弱勇却賢愚一朝集陰壑血浸
秋復春朽壤 蝕盡蒼苔痕沉埋長愧杜郵劍廢墜空
憶榛蝕人故 堞中宵鬼神入雲寤月暗戈應泣當時
豈無牧與頗 戈乎不遇可奈何

長平箭頭

誠意伯劉 基

漆灰骨末丹 水砂淒淒古血生 銅花白翎金幹雨中
盡直餘經寸 殘狼牙戟來訪古收 此劍折鋒去響

到肉古色慘淡凌風霜猶有磷光夜離陸海上射
不足憑長平鬼哭雲冥冥白骨相撐尚未朽至今城
下流水腥水流有聲嗚復咽冤氣千年殺未絕往事
俱成一聚蚊後世空悲尺餘鍊

弔長平差釋白起云

御史祝 徽臨川

長平違事不堪提任教傳信亦傳殺父手遺書容易
讀父臣寧遽改無遺盈數齊齊四十萬應商幾戰幾
堅持戰若失利歸壘壁陰陽按節儘翻奇如云一日

高平縣志

貞集

卷十

四

同披靡秦筭安支十則圍呼爾坑卒識不破何緣同
穴矢難離與其坑死寧戰死戰或不死任驅馳長平
進退汝趙地轉敗為功義所歸真須趙卒先賣趙乳
真兒家搃不知浪馬一戰同波逝返見將軍無復之
信心帝秦秦不信賣兩應如爾賣時誰乃溪尤秦時
子伊不忍人人忍伊更笑六王都信是燃灰隨趙不
知非吁嗟違事何足提死差前後而交譏在我後人
猛省積弱空相恨憤感周祿好仇凶土顯漢歌

大風噫讀史不堪詳
戰國恐將痴死動聞悲
死者應為厲
一夕長平化血漉

金峰登眺

郭鑒

徐徐曳杖步怒嶺
振衣直上千峰頂
藥餌隨吾卧翠微
此身親在蓬萊境
松音恍惚作梵音
林影依稀似禪影
三晉文物而轂中
秦趙旌旗荒吾隱
古今塵跡俛仰間
安遇漁樵同劇飲
前歧渾似武陵源
倦遊渴飲丹砂井
何日香山締舊盟
千仞鳳翔皆引領
上方

高平縣志

貞集

卷十

五

風景暫徘徊
細辛聖岡金澗煩襟
騁肯將綠野負烟霞
夢入羲皇卧高枕

長平吊古

唐大愚公

長平埋碧血
千古思悠悠
哀壑青燐出
雄風濁水流
斷山吹舊雨
殘葦泣新秋
何處橈檣沒
悲淒若解愁

宿長平驛

明許事常倫

青史哀降卒
山川見故丘
重來今日意
不盡異時憂
野驛春花發
巨水遠宿雨
收津門口
夕語猶得

別東殺以孫給諫

愈事王世隆

風塵鷲見子，歲月苦離群。
遠道悲黃鳥，山花照夕曛。
疏留青瑣闥，劍帶紫星文。
何日三台上，相邀奉聖君。

觀出師

郭鑿

言日王師出，貔貅左右分。
天威嚴北伐，將令肅中軍。
鏡騎翻胡幕，弮戈指塞雲。
定知清絕漠，會待奏華勳。

史館即事

前人

文檻通瑤陛，朱闥向玉池。
陰陽分殿閣，日月繞梁竈。

高平縣志

貞集

卷十

六

朝放聞鐘近，宮深覺漏遲。
編摩吾豈敢，竊祿媿明時。

勞勞亭

縣尹李楨

地路衝三晉，勞勞此建楹。
風霜勤夙夜，車馬苦追迎。
一箸千錢盡，連安百里驚。
問中愁未了，又見嶺頭旌。

公署舒懷

趙輓

負日趨楓陛，春風出帝畿。
瑣闥鷲風夢，棘寺捧星輝。
南國憐才拙，西山愛日微。
遲疑無去住，身與世相違。

賦得日舟中

劉憲

日來瞻堯德神符陞溟皇雲華扶赤轂海氣擁崇光
若水誰堪拂陽鳥自却翔林陰斜忽正圭影短故
物觀中興聖天開久熙祥此時清禁裡禹惜尚符

長平吊古

編脩蕭 貢

秦兵伏甲武安西趙將非材戰士疲千里陣雲沉曉
日萬家瓦屋振秋螿哀纏朽骨天應泣怨入空山鳥
不栖百戰區區竟何益阿房烟草亦淒迷

高平夜思

御史黃洪毗

高平縣志

貞集

卷十

七

秋聲入竹夜窻虛一翫相依萬里餘賓雁不傳雲外
字天雞獨理案頭書烟籠銀燭臨風舞露濕黃花對
月疎三晉地形天下險丈夫許國欲何如

吊尚節婦

御史黃洪毗

未識夫面為夫亡豈比尋常烈女行白髮尚然發
節青年誰肯棄春光魂歸地下乾坤老名在人間
木香吾不等閑輕下淚為爾千載振綱常

送黃翠巖侍御

張雲路

馬西來此地遊觀風虞夏舊皇州山川搖動飛霜
電隼鵠高騰待冕旒白華我詩鷲杜座使星依漢望
仙舟轂名到處狐狸遠如颯清風解綬愁

詠署中白牡丹

學使者袁繼成 宜春

誰向風塵澹世情孤標肯與鬪輕盈翠粧不入姚家
夢玉板知非楊氏名風雨無聲憐素質乾坤有意老
幽盟倚欄莫謂花迎笑此皓月寒潭共此清

翠紅粧玉板
白二牡丹名

高平縣志

貞集

卷十

八

長平驛

明晉定王

月淡星稀曉色晴一鞭直指到長平山川滿目清如
許千載猶傳賈魯名

咏賈魯

前人

賈生姓字冠名流卜得林泉傍此丘古木至今風颯
颯黃昏惟聽鳥聲幽

宿長平

文清公薛瑄

長平驛是相公家不計元當時富貴花只有蒼蒼香

至今猶宿夕陽鴉

又

行過長平慘舊名
路人猶指昔年坑
不知當日將軍死
地下曾無見趙兵

賈平章

無名氏

傍天驛舍傍雲開
故第猶在倚賈相材
憶昔當年寇孽
仲一生無地起樓臺

彌饒山

學憲李濂

高平縣志

人貞集

卷十

九

彌饒山下合秦軍
穉子坑降獨不聞
落日沙原重面
首長平雲接杜郵雲

長平吊古

學憲鄭旻

平川渺渺帶重岡
秦趙當在此戰場
坑火幾隨塵劫
盡夕流猶自咽衡漳

長平和薛文清韻

縣尹李楨

借問長平賈相家
滿天風雨白積瓊
花依然流水
險栢木森森幾度鴉

咏米山

李雪山

積雪如山夜唱壽，廉頗為趙破秦謀。將軍老去三軍散，一夜青山盡白頭。

登玉皇閣時同李環洲

郭東

翠律高巔插碧空，山河城市一顧瞻。中天風送御雲端。

乘觀是瑤京第一宮

七言迴文

郭嗣煥

春殘過處是愁關，片片飛花似蓓柳。烟新樹綠陰乘困。

高平縣志

貞集

卷十

十

息客途長怕聽啼鶻

石采鷲秋

張翹

樹滿空山秋實肥，楚人躡磴著繩非。不知歲月林間

晚瀚海先鷲玄乙歸

又

十里薰葭秋水灣，琅園舊在石平微。聞山行忽訝鐘磬起，碧冷遙嶽煙作鬢。

禽語 有序

兵憲大酉王世隆

楚長山中有鳥焉。母至四五月時則鳴其聲大而甚明。土人譯其音以名之曰乾柴乾槁。今晉地山間亦有之則名之曰青田田。而譯之其音以為蠶。老防火其實本一鳥。而晉楚之人其名不同。若此蓋楚人重竹木之利。晉人尚蠶。故因其地與其時之所急而託名以警一人也。然楚之竹木以為利而晉之蠶則寔病焉。至血自數年以來災沴相仍。征科益多。耕夫紅女皆厝口竭矣。肉食者將無憂耶。乃括高平縣志

貞集

卷十

十一

其語而為之詞

乾柴乾槁。蠶老防火。去日田田。夜不眠歲。織幾幾。編不
得。身上穿田中苦旱。浪苦雨。蠶逋未了。新逋。毒努力
經營。納租稅。半入王孫。克祿米。王孫出城。騁遊戲。一
擲千金。賞歌妓。鈔空乞米。仍去城。有司逮責民。益貧
空。責有司。王孫不知民貧。奈何。王孫寔多山西之地。
北控黠虜。西臨犬戎。障蔽京輔。屹然虎熊。休養生息。
一宜豐隆。政煩賦重。民乃窮。民窮盜起。入洶洶。前年

寇青年去年寇靈石未必良民甘就死要亦催科漶
之耳我頭天王慮終始子子孫孫千萬世山西之民
宜早恤禽語雖微有至理

輓渭南令忠烈楊公

張翮

中原寇騎接函關如馬攬雲戰血斑睢水忠魂還共
許漁陽義舌獨推顏關河懸一日終留照姓字如山不
可刪報國一心空有恨藻台秋冷鳥飛還

同前

張流謙

高平縣志

貞集

卷二十

十二

萬里江山倏已非渭陽孤中欲誰依嬰城尚厲身先
士抗賊何妨血染衣慘澹頓移天地色摧殘未盡
神機成仁取義諧君願莫一用招魂望遠歸

同前

秦邦寧

秦國山河稱百二楊公清白足千古一朝銅馬撞關
來裂冕豎冠那可數中流一柱有渭南身作長城
作櫓告天不愧震家聲許國捐驅為守土頭顱強
巖將軍舌劍鋒鉤恒山伍噫吁戲西山孤竹邀

東漢同仇難再覩祖宗卷以三百年孰踵睢陽張許
武公獨剖心熱血賦新盟繫肘銅章還舊主嗟嗟人
生誰無死公死為不腐留得丹衷照青譜

同前

魚憲趙嗣美

澤州人

千秋大節羨睢陽烈烈如君名並芳食祿同人心獨
異重城如命志彌彰舌存不畏賊鋒厲氣壯能吞暴
客疆以死酌知蕪自盡華下山蟲蟲渭洋洋

陪駕南苑視蒐賜宴應制四首李士深

高平縣志

貞集

卷十

十三

蒼旂巡紫甸南苑駐東風衛列貔貅肅韜傳豹虎雄
教蒐仁庶物數實樂群工陪從叨優遇歡聲動祝嵩

又

上林扈蹕擁玉台葆蓋歲蕤羽騎開馬映宮桃花五
色旗縈御柳錦千堆喜歌在藻逢魚麗快覩披雲
鳳臺循職惟思天語重終將詞翰讓殊才

又

菟獵帶春光居安貴不忘芝輪臨萬乘豈止賦長

又

雲開芳囿日華生
劍佩森連鷺序明
共沐珍筵思鼎
寶應知五味在和羹

賦

越裳獻雉賦

劉虞瓌

猗自皇風遠燁帝治登闕荷天衢兮
邕洽提地輦兮
昭明連四海以清夷
肇寢孟之謚運六氣而旁魄諧
調露之聲以故醲化渾淳醇麻
啗平邇陞戴天而忘

高平縣志

貞集

卷十

古

力荒憬捧日而傾情
大角銷氛旄頭寢兵
鑿齒反踵之君窮髮
貫胸之萌罔不交臂
奉貢屈膝抒誠抱嘉
瑞而來貢執竒珍而
受成皇皇執億禩之
蒸鑠而百王之煇程
也粵周德之邳隆
謀王道其灼晉主
兢兢而敷詰宣相
几几而公忠睹禮
節治兮其君萬齡
樂象功兮而臣千
古道緝熙兮績文
世永清兮紹武物
則蕩蕩由于夷
夷人軌雖雖躋于
春圃滌其時也
闡釋紹天之烈
既赫戲兮大明
諦其世也含
哺鼓腹之

或元河垂兮如煦賦而美之必合曹九穹之駕輔
蘇氣其滿洵以沛通快協風之曼羨而七選天篤嘉
瑞兮煥素質于洪濛之靈禽帝介蕃庥兮屆洪仁于
海嶠之僻土述彼越裳之國邊居林邑之邊文身裸
跣入甚集裳之制散髮蓬鬆家無戴冠之傳蓋徼外
寰荒雖洪圖隔閩其不囿然日中豐照託德寓均
而廣延乃能翦純光于太始裒皓氣于重玄產佳禎
兮詡白雉之出地遠盛世兮際赤龍之翔天稟雪姿

高平縣志

貞集

卷十

之融耀兮聊繁毳而蹠蹠賦玉彩其炳熿兮舞健翎
而編躑邕熊宗之精兮皓尾揭驕而跨蹕象離明之
德兮翹鳴伊喔而輕妍如儀處之九苞兮乃涵光而
撲若較搏霄之六翮兮翻欲質而凝然豈陳寶見奇
後二童之所化寔昭華秉錄應一德以來宣秉曰天
啓謀惟人基當物瑞之告只二際系葵心之洞企乘陽
暈兮占風睇赤縣兮懷義視淵渤其且決濟兮既息濤
而不歇駕餘體乃以之卷兮完抱雉而為贊峙玉芝

芳輝輝映隆階兮曠曠于是時也若端委而秉珪躬
負袞而襄治宗伯元儀職方辨位敷庭實之修夸兮
展白羽以當階望宸顏其款忠兮依紫闈而受事實
請臺沼鹿濯濯以同遊載在藪郊麟振振其堪比右
平左城映之而敷輝繡栢葵對之而生麗續紛兮
聳角陸離兮揚翅豐依帝所以啄浪疇若駭媒其猥
眇矧其省貴連九譯琛同八荒玉帛聯翩浮于冰天
挂海之國航梯繹絡齊乎日出月支之方信神符天

剖兮則遐均之上治故仙禽地徵兮闡鏗懿于殊疆
格心維相昭德維王念絕岵窮取恐鴻澤之未被乃
誇祥詡大非懿治之所遑將邵贄而不享允錫車使
歸翔懿哉皇化如環之來兮跨虞聖之休爍冲哉皇
心如葵之卻兮續武考以丕昌嗟西騏海青季曆祇
煩于使索彼元龜象齒明時亦待乎戈勦疇純粹光
光休烈兮夏翟應萬里而激瑞他清和其篤鏗風兮
海濱歷千世而開祥懿鴻庥之既邈神景豔之斯

群翼或隨于卽車素或見于永康何德靈以堪稱
祇詔舌之徒張噫嘻社鳴帝生河清聖兆騰地游霧
而竹應龍乘雲而矯焉一祥不虛呈瑞維時表稽古甘
露醴泉龍馬器車之紘綸朱英暨草連理同莖之連
皦允象德其顯形詎無因而紛沓荃浸義而沐仁斯
祥慈而瑞儀方今大明一厝圖萬曆歲肇敷文解庖羲
之繩偃武息周宣之旒八彙索矢穹廬銷鳴鏑之擴
雄萬寓安瀾炎嶺應伏波而殪剽騶牙出櫟鯨海激
塵踰沙軼漢棧山般海之琛歲亡虛月九真黃支條
支大宛之賈府七停輪典駝與叩祿而請吏左賢並
谷蠡以稱臣方將來格矢于窮域顯昭登于遐垠亦
何羨周德之碩鑠迺以搖漢賦之炳麟

論曰詩咏性情紀載博而用物宏纒纒乎不可尚
矣四始而後惟離騷猶為近體自六朝以嚴律相
高字櫛句比幾于充棟近代雖不以詩賦取士而
觀風貢俗亦史氏所必錄者豈徒急推敲工藻潤

已也

疏

辭召疏

劉虞燕

臣木訥畸人顯侗豎子生逢盛代達造清途詞苑二
十年編劇靡效講帷六七載啓沃何裨鷄濡愧予在
梁鷄躍憂予過何曠瘵之罰菑咎乃業方匍匐以悼
慈親更駢蕃而承寵卹藥瀕死恐君恩圖報之難
碌碌偷生宜之議構成之易深感藥言之眩眩庶幾

高平縣志

貞集

卷十

六

茅塞之開明瞻天焚愬行之香為皆可告遯世寢鳴
寃之草事不求聞有無悉聽公評豈滄黑白終始堅
脩七系節奚染蒼黃自甘遐棄于濤中誰望曲矜于輦
上六任昔栢臺搏擊既寬斧鉞之誅于今芸館招延猶
辱弓旌之命舊官重畀新職益專謂使過賢于使功
故以物環果于賜玦祗慙薄劣曷副甄收荷日月之末
光六幽畢照酌乾坤之洪造九隕為盟固當竭蹶以
追心安得趨趨而却顧但親衰不仕時乃臣經且官

病則休寔云國典臣父年躋喜懼邁七十有二齡
身病極支離醫再三無一效臣與父更相為命父子
臣惟疾之憂感時驕過隙之白駒思養悵啼枝之烏
鳥微獨依依救水又蕪戀戀松丘矧因痾疾之沉綿
幾致謏聞之荒落毫欲濡而旋暈卷纒釋而輒忘即
使衷赤勉殫其于汗青何補若或昧乞身之義必將
貽除目之羞此臣所以被命兢惶戴恩跼蹐而不能
已于控辭者也伏願聖明察臣悃誠令臣休致石渠
之瑞上不累聖主知人之鑒下亦全愚臣守已之箴
臣無任席藁待命之至

謹

身家哀盛循環圖說

縣尹張居仁述

嗚乎君子觀此圖不惟知人事當備抑又知天道可
懼也六合之內民生不知幾千萬矣以天所生之物
器人所生之人均衣平食無令有餘不足俾乞乞

饑寒而止尚僅僅不敷用而况富者田連阡陌金滿
箱囊飲甘厭濃踏繡鋪錦歌兒舞女醉月眠花盡棟
雕梁乘堅策肥其狼藉暴殄之餘猶逞嘔僮僕而飽
狗彘乃耕夫織婦早作夜勤和寒暑雨驚身枯面枵
腹攢眉兒羸女鬻終歲辛苦如馬牛而一家衣食如
乞丐又瞽目殘肢孤兒獨老菜色鶉衣為溝中瘠為
道邊殮者在在有之諸無告人不可勝數彼其驕奢
安逸之性豈與我殊哉天地之財止有此數富貴榮

華既于我乎獨偏貧賤憂戚自于彼乎獨苦有餘者
之所棄餘乃不足者之所棄命者也夫既不肯樂分
與以益彼之不足又不能崇節儉以惜已之有餘天
何親何私爾何功何德而令久享此乎明者觀于目
前其盛衰可歷歷指矣爾曹不幸身不嘗不足之味
而襲祖父有餘之業彼以享受為當然以儉素為耻
事將施予不能而慢棄則不甚惜焉積孽自躬而獲
罪于天矣作循環圖以悟之

明令移丹河記

唐御史中丞武少儀

高平古法氏邑也其以公代改名圖經詳矣初相地而居之蓋以土厚水深之為善農鑿井而飲者則以穿壤剖石為艱故齊家之由一數井而已綆以遠引而多絕瓶以難升而驟羸則雖有端賜之機智無施其巧捷雖有管寧之仁惠無杜其忿鬪况牛馬俟乎滿腹必遵乎十里梁河而水坳而期乎給口常望一旬之雨朝

夕勞苦歲時饑饉可嗟勝道哉嘻允為前弊滋久終俟浚賢乃革不然者豈一十男百輩而莫之是恤貞元七年澠州屯留合平原明濟受連帥相國大司空義陽王李公之命假領茲邑已撫安疲黎其清勤簡惠不異于屯留之政政可知也一下車之日咨訪故老問人疾疢僉曰公之至也俗之所其賴矣惟水之歎詎敢求教于公耶明侯聞之若一放于心且形于色曰夫窮必有泰固常理也此豈無一望前或未思吾將退而慮之由

是發智周之妙躬循邽原曰宛川谷度高下之勢相
引決之宜有丹水者始自縣之西北山源高而冰平
可議壅以導明侯載審厥事將利于人乃下謀于鄉
耆次白于郡守上言于節制才獲所請爰減其功乘
井稅之暇俟農桑之隙先儲乎薪芻之物次具乎畚
鍤之器然後量工命日使里人樂助競于來而展力
故不更于素宛其有成始瀦流而為潭因䟽渠以遠
郭築防以補其陷隙剡木以道其險阻脉分枝散貫

邑周閭涵涵苔草之間陰陰槐柳之下遂使家開沼
汴戶植菱荷濫觴可以寄傲垂釣可以烹鮮豈直豐
畦圃之沃灌恣閭閻之飲濯路有奉漿之義井為應
汲之泉人無荷擔之勞畜無奔走之困而已也復于
潭側特建水祠列楹敞亭別成佳境將俾水依神而
永久人賴水而無極燕功用不再且祈報有歸焉明
侯觀夫衆情之欣洽足以閑居而賞玩化鳥之餘聞
玉鳧之雙飛臨堂之際調冰琴而合響不其美哉

之曰政無大小以勤民為良事無工拙以利物為實
如明侯者實無而有之其由我大司空義陽王以至
公且明推獎而致此者矣余偶以行役經過于斯耳
頃嘉謠目覽異績緇黃著述因請余以紀事余誠忝
跡于文者姑具述義王之德舉明侯之善亦何辭焉
是則勉而志之貞元癸酉建

省冤谷揜骼記

金縣令王庭直壽春人

少讀楊雄書有載長平之戰四十萬人死原野厭人

高平縣志

貞集

卷十

十三

之內川谷流人之血蚩尤之慘莫過于此余三讀其
辭而悲之後令高平問其自乃古長平也詢其故跡
父老曰城西北十五里有地曰殺谷乃秦將白起坑
趙降卒四十萬之所當時頭顱似山骸骨成丘何異
亦嘗哀悼至唐易名省冤則長平故事其來久矣幸
酉清明日庭直率本土士眾携酒榼奉香火張鼓樂
具服祝謹詣其谷吊以祭之其日陰風襲人寒烟空
空必有冤魂來享其祭舊宋運判馬城經過此地

概縣僚收拾遺骸于谷口鑿坑深闊以左右前後溝壑數十里暴露之骸畢集而歲揜仍于所揜之地啓而祭之使後人不踐履爾今觀其墳已為姦農所侵僅存數尺而已乃勸隣農于所占墳地外更四面各廣八步起供堂一所于其上植義不成園俾永久知所悼惜繼有長平鄉老農王姓者告詣去谷十里餘為兩水所崩岸崖頽裂露骨數車願收而揜之爰即具禮盡載于墳園如法安葬細視其跡于長脛骨間

存銅漆矢一入骨寸餘因出矢而揜之人骨之堅如此而骨中銅矢尚存慨然發歎四十萬人于當時解甲歸戈赤身受亂兵殺戮而若死其冤亦深矣不然其骨其矢安得尚存而不朽耶是其冤抑之氣凝結而不散以至于此也嗟乎白起克狠恃秦軍之強鐵無心之降卒其勢亦易矣起直為此克狠也當年後世又安得而不痛恨哉向使趙卒未降甲戈在體雖在危陣中乃死戰之軍力戰未必無生路即或敗亡

之悲遭此屠也譬猶執羊就機持刀自恃以謂能
殺何以異是嗚呼今而後其墳併供堂告成一所見
有暴露之骨即擗其中余不能無望于後之君子皇
統改元六月十三日縣令蕭春王庭直記

重脩儒學記

明禮部左侍郎李遜學

澤州高平儒學建置東南隅歷歲既久棟圯椽敗幾
不可游息斯文病之正德癸酉冬進士龔侯進以剗

劇宏才自太平改令是邑下車謁廟瞻顧亟圖脩復
遂昕夕規置鳩工聚材為備孔預已乃語僚友群屬
華言三就即事事以舊址淺狹質民地拓而新之為
大成正殿明倫堂各五楹增建廊廡五十間號舍四
十間除道戟門東西齋庖漏庫解峻整倍昔又剗本
光樓櫺星門及泮宮文廟育賢大成街諸坊牌既而
鏤板揭示以虞他日湮廢慮無遠而弗屆制無微
弗周財出措置而不費于官役多傭僦而不勞于民

丁巳春二月經始僅七逾月猶成壯麗恢弘改觀
釋蓋盛舉也教諭史章暨群弟子輩德侯振作托都
運畢公天節丐予言告諸後夫治化視吾道為盛衰
學校者道之區寓也統賢養老受成獻馘胥于是乎
係蕪穢不治則鼓篋遜茶者或恐為城關之挑闖矣
道不明而欲望治化之盛難矣哉我國家崇儒重道
立學校徧海內以甄陶士類俾之講道以端治本以
移易風化殆今百五十年餘仁薰義蒸蓋深且久也

往歲壬申大盜起畿甸突至西晉勢息恁甚酷中間
忠臣義士烈婦貞女每抗節不少詘辱何耶理道明
而治化之系盛固宜人人克自奮激也顧民方殿屎之
餘性易遷誘士或波流風靡不審所趨嚮而又值學
舍頽敝如高平今日然者施教無所退息無地若不
更新制作其罔有忝稷其為吾道之病豈小耶侯視
篆未期即祇若德意以興修學校為講道弘化之大
可謂急所先務矣學者誠由此而愈加淬礪以上

負朝廷建學與侯篤念造就之意則彞倫叙而人心
淑教化行而風俗美利用上下並受其福豈不益隆
盛治于無疆也哉昔鄉校不毀鄭國稱善泮宮既作
淮夷攸服學校裨于世道其重如此侯之賢可知已
聞侯任太平嘗築城甚堅完城郭所以衛民生學校
所以復民性生養成遂政教兼施二者治天下之要
道也而侯悉舉之矧他政皆卓絕可書然則侯尚可
以一時人物論哉於戲使天下有官守者皆侯若人
焉無患乎其治之不古若也時協力贊襄者則縣丞
趙寧主簿劉一中典史陳洪殫心補畫者則章與訓
導馬景陳鑿云是為記

晉城書院記

御史姜潤身

高平堯舜之畿輔河朔之襟喉舊晉城其隣封也宋
程明道先生嘗為晉城令教化旁及士風丕變既去
多建祠以祀之逮元末兵興祠宇寢廢大定中縣令
郭子質成化間提學胡君謚皆嘗脩其廢與顧願

弗廣吾道弗出也弘治初年柳塘楊君子器始寧
平慨然以興起斯文為已任毀其淫祠曰新廟者改
為正蒙社學如州人亦以書院呼之於是乎訓子弟隆
祀享而明道之澤沛如矣柳塘去今纔四十年書院
日就傾圮先是河南孫子應奎以黃門給事左遷高
平丞士多從其門者政教之暇思欲葺而新之甲午
春潤身巡行入其境乃率儒學師生相揖而告予曰
即今書院文官以吾道之厄也淫祠復侈邪說之昌也

宗正黜邪紀綱之任也顧先生毀其所宜毀以興其
所宜興者可乎潤身忻然許之既而憲副曾君嘉協
其議巡撫中丞任公洛可其請乃命主簿朱金典史
鄭林董其役材取諸淫祠力索諸逸夫於是因其舊
址定其規制以興厥工經始于五月之念四日訖于
十月之六日則落之前堂五楹扁曰養風後學五楹
扁曰仰止以祀明道先生而左右皆有小堂三楹以
翼之號舍二十餘楹以為諸士子歲備之所也

門角門拜亭、廚房之類咸各有成度外建大明曰晉
城書院過之者肅肅如也翼翼如也士風改觀遠邇
胥慶潤身聞而歎曰堯舜之道至孔孟而始明孔孟
之道至伊洛而復續吾聞明道先生之為晉城令也
禁焚屍之薄俗折瘞錢之親獄而以孝友化民及其
擢為御史也進求賢之說斥新法之非忠義之風至
今猶凜凜焉今孫子應奎與先生同桑梓孝友忠義
本于天性文章政事度越一時亦可謂明道之徒矣

諸士子親炙其教優游浸漬之餘因孫子以求明道
之心因明道以求孔孟堯舜之心雖天地古今之道
即此而昭昭矣豈特科第之筌蹄而已哉嗚呼唐虞
故地古晉隣封居聖人之居化賢人之化吾固以聖
賢之事責望于二三子也若夫群居昵小慧之私盡
善無麗澤之益名存而實廢吾恐作者之意虛矣不
有負于明道之遺教也二三子其勉諸

南京國子監祭酒崔銑

揚子子器去高平十有八年高平民申鐸姬增而下數百人立祠于建寧鎮祀之鎮有先聖廟宋程子伯淳作揚子嘗脩之祠列東廡下循執揚子之政也列胥猶破書手好事無枉且暴撤蔽也均賦役廣儲峙歲省耕歛給其乏詔僉民兵實邊奏已之普養也脩學者再設鄉學者九十申道誼獎經訓崇教也脩社祭圖祀先之儀明禋也石洞能風民駭行禱取紙寢

孔噓且吸曰噉通各驗乃塞禁釋薦毀淫祠俾民勿潛制正俗也去官知奴嘗賄治之責友不告行却贖金厲操也脚戶途殺賈取其貲賈父誣店主白其寃殺脚戶同謀者十餘家脚戶積歲殺四十賈取貲累千照獄也夫吏者牧者也非以厲民祠者慕者也非以徼寵揚子誠有愛結于民民誠享其愛思揚子是故鄉可以礪國一揚子可以矚天下聞而善善而治此之謂化故曰禮協諸義而起雖先王未之有可也

粵山風癸酉宵星虛民祀其侯屋渠渠屋渠渠
予民樂且亦有民歌推不去銑愴曾著五吏書撫實
作碑示楷楷以於乎有官勿謂民可愚於乎有官勿謂
民可愚

重修和心子祠記

提學僉事張璉

舊祠在縣甫小子城內棟橈大壞不蔽風雨隣市居西
環小巷跬步及于堂為褻者甚正德九年龔侯以才
行自太平縣秦改高平甫至謁祠見其頽敝汚瀆乃

高平縣志

貞集

卷十

三

謀于僚屬于文廟前得僧舍之餘地價其值焉其臺
省亦以移文為是乃命義官邵經老人張騰及趙璟
督工課程為正殿三楹旁翼以小室其東西廊其過
庭楹如正殿之數其大門中二門各一楹正殿仍繪
夫子之像于中章服則國公之制焉創始于正德十
年三月落成于本年六月財不病其民而民不知其
勞物情欣欣然焉侯乃托邑人于鄉同年霸州守
公坤徵予記之夫道統之傳有自来矣孟子沒而不

傳其傳焉夫子得不傳之學于遺經以興起斯文為
已任漢唐以來一人而已當宋之治平四年丁未自
上元主簿移澤州晉城令其為治有萬物各得其所
氣象伊川行狀及明人叙述可見使民各得輸其情
獨惓惓以教化為務鄉有學學有法朝夕督勵誘進
至親為正句讀焉故熙寧元豐間應召者數百人登
科者數十人達乎隣邑高平漸乎晉絳被乎太原所
謂濟濟洋洋有齊魯之風焉者是已熙寧元年戊申

夫子之赴召也去之日天鼓震野而九年丙辰則又
黜知扶溝矣去之日老一穉數百亦攀挽號泣遣之不
去夫以夫子之道試乎郡邑其功化之效輒如此使
夫子得乎位焉則厥施斯普于天下也何有日官報
牛若將遇焉者而甯子之携婦冠瀆亦甚矣要之神
宗之處夫子與安石其禮遇雖同而任用則異安石
固惡之蘓氏又詆之功利之學既與之不合而文章
之士亦與之頓異上下之人皆莫之識其視夫子之

道者長物然者天下何出而治耶三代之盛何由而
見耶豈道之興廢固有其命耶抑天下之人果無福
耶靖康之禍言者至今猶寒心學術不正禍天下
後世如此則夫子之出處世運所關豈淺淺耶夫子
嘗言泰山頂上已不屬泰山雖堯舜之事亦只如太
虛中一點浮雲過目予以嘗言貴以王侯夫子固固有
之也卑以莞庫夫子亦固有之也賤以匹夫亦夫子
固有之也天下豈得而挽之耶茲地受夫豈固極之

恩為多故在太和中鶴鳴李先生史以為得程子之
學中統中陵川郝先生自謂其祖亦及先生之門遺
山之學又自郝氏始宋人黃夷仲有言澤州學者如
牛毛野處又云長平朱紫半則高平祠而祀之亦天
理人心之不容已者學其學而不報焉郝陵川以為
非事師之道則為臣不忠為子不孝亦其必然者於
戲周人崇射者尚不忘武穆之祀况夫子之功之德
乎宋之南渡後朱子無容喙矣至元又得許文正趙

然自得而神明其所以大其傳至明又得薛文清一
性字括盡千古聖賢之言真知實踐以續其傳其道
至今賴之以治天下國家而人蒙其澤焉繼往開來
夫子之功之德雖與穹壤俱寂可也文清有言程朱
之道萬世之後必有追崇盛于前時者又言從祀不
宜在漢唐諸儒之下世必有能知之者獨龔夬當大
盜攘竊之後而首與乎此以獨地祀之則有補于世
教大矣吾黨之士其必有所感也失其必有所興也

高平縣志

貞建

卷十

三

夫能知夫子之道則知聖人之道矣知聖人之道則
知天地之道矣天地之道誠而已矣聖人之道亦誠
而已矣夫子之道也五外是哉侯名進字思忠江西高
安人正德辛未進士以賢能上聞祠之建也僚屬捐
俸助之者則縣丞工一廷珪主簿劉一中典史陳洪及
教諭史章訓導馬旦陳鑾馬

重修演武亭記

劉崇文

法氏額有演武亭一區坐瀕丹許兩集山濤曷樹欽

鬪防岸崩地殆為水伯滙浸邑劉侯振而新之輦虞
衡之材伐太行之石以鳩陶埴之上駟子來之旅稱畚
畚基量工命日增卑倍薄撤故飾材砥農兵之堂於
北關騎射之道於南峻牙章之臺於中退食有齋晏
息有閣續以丹堊采以青蒨飛華苞茂煌煌壯而麗
矣懼師徒讐於六步七步之律也繚以垣墉百堵鱗
次召其斫落千夫雲屯縣賞格時簡閱荷盾矛森侍
於旁披介冑馳走於下肅矣軍容赫焉武備歸然榆

高平縣志

貞集

卷十

三

關柳塞虎豹之勢雄下詩山隅且轉徒之煩匪擾於鄉
呀呷之聲無號於市降婁纏而戒事鷄首正而告成
侯將載歲日第工唐用迺紹介于文乞言以紀語曰天
下安注意相天下治注意將今天下堯仁續圖舜德
先寓道化翔洽於海以壻殼施漸訖於埏黃夷諾猷琛
獐獠輸賫月支日出山之部鞞髮貫胃之首靡不稽首
稱藩伏鼠執贄利如聖明幸濡汪澤舞千苗格尚虞
舜之誕敷因壘崇以冷邁周文之帖員鑄鋒鏑鑄素子天

兵馬歸牛不觀兵時也厥工肇興不幾於分乎是戰
在之驩非厝薪之隱憂也司馬法云天下雖安忘戰
必危天生五材誰能去兵兵不樂試於治世治世所
不諱也成周比閭族黨出而折衝禦侮故赴赴之夫
桓桓之武不啻克且車攻詞也秦郡置材官漢因之
唐有州郡之兵宋有廂鄉之軍畜衆容民除戒不虞
兵之不可偃於天下也審矣時海內久寧家國閑暇
尺籍之兵郡縣之民也苟治識大體政圖未然專封

疆者捍禦而較貔貅之士寄守令者豫戢而募千城
之夫繕營壁精器器械時訓閑無一不可當百者則先
事有備盡地為丘六超距煙聚格鬪星羅敵愾之聲震
於無外而奸宄萌銷疆羸膽怖自將不戰而無敵矣
肆遘聖人在禦神武而不殺者乎夫三晉之鄙長平
之墟用武地也共曰抱真守澤籍丁男三之一農隙
射三年得勁卒二萬人故昭義步射冠諸軍民到
今稱之明徵在箬不墜憲不遠何世之重守也桓桓

更為嫌樂循姑毀而憚改作視公家為傳舍即以記守
遲明棄去若虛公之任勞任怨整隊整蠹理國甚於理
家顧不難哉嗟夫徹桑滯初甚士也憂治危明蓋臣
也侯抱文事武備之猶櫛外寧內憂之防侯之甚不
其為蓋臣乎哉余歌周雅而虞魯頌志侯報國之貞
而因冀疆圉之臣咸奏乃績云爾

重修城隍廟記

縣尹楊應中

我太祖高皇帝神猷睿識超軼千古既為天地神人

之主即罷前代不經之祀而惟郡縣城隍巋然獨存
且春秋與社稷山川風雲雷雨並祭又命主厲壇祭
其所倚毗之者廿七厚凡守土之臣蒞任必謁歲時必
謁有新禱必謁豈非以禦災捍患福善禍淫為一方
保障而然乎高平有廟在縣治西金大定癸卯創建
元皇慶癸丑一新之入國朝宣德丁未王公惟一
新之正統辛酉張公璣一新之然而因陋就簡規制
未備也嘉靖丙寅申儀封張公鹵志欲脩葺壽

价常紳捐贖助工實董其事及萬曆庚辰長山劉公
一相見有圯壞而廟內肄業諸生徐行常依仁具呈
鄉民楊汝聰常嘉賓等協謀殫力飭舊增新肆予之
承乏也值天災流行歲復一歲而高平徼神之福往
往雨澤居先荒歉未甚薄有收穫國賦告克予得少
逭痼瘵者秋毫皆神惠也中心感神之靈已命扁其
坊曰靈異用彰神之陰騭下民矣諸生復以記文見
屬蓋念廟之脩也非一日工之董也非一人不及今

勒諸瑣珉後將何徵其拳拳註明者意誠善矣惡得辭
按廟正殿五楹寢宮五楹殿之前捲亭三楹亭之前
為月臺臺之周皆欄以石左右焚化亭各一座臺之
南石橋一座石鐵獅各一對東西廊二十六楹中為
樂樓三楹樓東西鐘鼓樓二楹西樓東為道院九楹道
院南為官廳五楹樓西為書二房十二楹過亭三楹寢
之側東西斜殿六楹內祀藥工濟瀆郊禰等神不知
信于何人乃飄亂如是子志命徹之仍限以垣墉以

余神之尊東西廊十一楹廚庫四楹四周皆以磚石
為垣大門外併東南綽楔各一座其一則予所扁靈
異者也工始于嘉靖庚申迄今近三十年矣中間雖
時脩時止而規制宏偉丹堊炫爛則于今獨盛云是
足以妥神靈稱崇奉矣予竊念有國家則有民庶有
民庶則有城池是築城鑿池所以下衛民生上安國
家其為功也鉅矣况聖祖勅之以監察凡四境之內
孰非所照臨者乎有檢身若浼者是有司所欲褒揚

也亦神之所眷佑也一有長惡不悛者是有司所欲懲
戒也亦神之所厭惡也以至三時不害百穀用登雨
暘燠寒不愆其期是神之顯其靈異也有司者與有
藉賴焉若淫雨烈風旱荒螟螣枵腹裸體者轉徙溝
壑是有司者失職所致也亦神之仁愛曲成因以警
戒之也念及于是凡我有司及爾士庶有不悚然凜
肅然敬乎則夫廟貌崇嚴昭事之誠恪固我有司責
也亦爾地方之同以為責也予既述其詳于麗牲

碑復系之以詩曰猗與皇明統萬方天生聖哲宅君
王鑒元黜祀亂綱常一洗滌之清八荒惟此築鑿曰
城隍國家民庶賴保障帝命監察綸綍煌煌神功普照
祈毫芒善之所積有餘慶不善所積有餘殃如影隨
形不少爽有時未至非有茫上下左右神洋洋予來
司牧愧循良與神表裏相陰陽神不予遺黥贊襄頻
年饑饉稼穡瘁顛連在在踣且殫高平幸爾薄苗傷
流來赤子塞路旁何分彼界與此疆嗟無衣兮給之

裳嗟無合以兮給之糧俟歲小康復故鄉匪神吾民不
皇將匪神小隣享更何望戴此汪濊中心歲迺新輪奐
翼宮墻西入顏綽擗靈異坊歲時伏臘集中唐於漿灑
掃薦牛豕干式陳桂酒奠椒漿伐鼓考鍾磬鏗鏘以享
以祀茲蚩蚩光顧神陰隲時雨暘多黍多稌豐穰穰乃
求千倉出萬箱我吏我民何敢怠勒碑昭德膚功揚
噫嘻萬古常流芳

高平右隸上黨界乎潞澤之間與國稱其弗律隆
上與天為當而又云地形高而且平因以名郡邑焉在
唐虞為畿甸幅隕在國朝為收肱右輔控河朔襟喉
屹燕韓屏並取昔李抱真以精兵討田悅石守信下李
筠定宋室則斯地之險隘要害可徵哉舊土城每歲
有風凌雨剝之損氓庶筭板築之勞無已時也撫臺
魏公建節止以攘按臺涂公持斧貞肅共圖為地方百
世計會議必以用磚石包砌城垣檄前任巡道楊公委

高平縣志

貞集

卷十

聖

潞安節判苗公與縣尹馬公估計錢糧物料出自均
徭夫役匠工取諸雇覓議既妥當具由回道以聞諸
宣大總督王公益臺吳公俱報可魏涂二公會題明
旨俞允部宥以僉同由是守道劉公經營董督指授方
畧有司任事服勞拮据繕造無何按臺報滿趙公來
代馬公行取潞安司理焦公攝符兩月新選王公履
任乃程土物慮材用計徒庸量事期仰憲甯陬俯治
高下樂事工獎勤謹情護作者鼓舞弗勝矣工以

次第報完而臺復行河東巡道岳公暨潞安司理集
公澤州太守馮公查閱工程不但時無延緩且極華
固龍容稽山築錢糧不但毫無虛冒且多節省羨餘兩
臺考成奏結以皇上欽賞旌勞乘此閑暇之時早圖綱
繆之計仰藉群公訐謨烝黎萬載依庇僅及兩期中
邑有成城矣外面週圍并敵臺轉曲共一萬二千七
十尺內面一萬一千一百三十尺牆高三丈五尺女
牆高三尺五寸梁頭一千八百九箇城上更舖五十

二間城樓四座城門三座瓮城三座每座濶一百尺
牆高三丈女牆高三尺梁頭三十三箇上蓋敵樓一
座城門一座入城基石共七萬四千二百尺瓮城每
座用石二千一百二十八尺磚共一千一百二十五
萬三千九百六有奇夫共六萬五千九百三十一丁銀
實用九千四百九十七兩一錢肇朔于萬曆二十六
年秋以萬曆二十八年冬竣役夫城盛也為收斂時
護重地相緩必必攻守機宜內可以衛神人外足以禦

強暴且礪石注弩登埤奏威遠之功整旅敦陳背隍
期萬全之捷此尹鐸保障晉陽南仲于古裴城翔于今
為烈也語云堅城一座可抵勝兵十萬真可重哉恭
惟聖明在宥海寓奠安非但邊鄙不澤即穿鼠草石
輦旋轉就擒第蓋臣憂國不厭先事預防不惜暫勞
小費矧太行為全晉門戶中峙金湯則鎖鑰封疆寔
貽安堂與關係誠非眇小是役也撫臺而院俱承欵
賞白金守巡府縣咸膺紀錄優叙無容贅贊若散委
高平縣志

貞集

卷十

四三

官縣丞姚曰旭主簿王懋昭典史張登雲省祭張仕
興醫官郭中慶皆奉委宣力効勞均蒙獎賞者也縣
牧文豫凡王公猥以紀載之役見屬再辭弗護聊記
歲月始末如此云

馮封翁增築唐安鎮石堤記

狀元朱之蕃

金陵人

隱君子居鄉閭有能悉心竭力為一方捍大患垂永
利則生有益于時歿可祀于社豈非古仁丈夫之懿行

豐功也哉世所稱水患莫大于河決而山水即次之
河有防防有專官衆役其預備有素苟非天數臨
溺一方猶可先計而早圖之惟山水乘霪霖而發也
騷其震蕩漂忽之勢莫可障塞而隨其所向田廬人
畜頃刻化為烏有慘莫甚焉晉國四塞而高平猶據
山川之勝源發空倉山者漕為大河經唐安鎮之南
夙苦漲溢則冲激之害不可勝言數十年前義民陳
騫初為石堤患以稍紓顧其為堤僅四十丈而歲久

嚙蝕鮮有存者闔鎮居民咸憂復罹往禍而力莫能
舉惶惶莫自必其命封翁慨然自任曰吾承先人遺
業未及大有所建豎于時今復幸有子以世吾業則
為德于鄉匪吾誰為計者乃捐貲倡義即陳堤而大
為脩復其長以十餘丈其闊咸倍于昔而堅固有加
焉邈自庚寅辛卯以迄于今幾二十年而河水屢發
竟不能為患如昔日居者保其田廬行者安于往來
始之頌功歸德者今日習而安之若固然而不復言

慶繁于懷矣封翁之始人于汝潯歲以數十計分
且千百人陰功隱德其可忘乎昔弗及侍封翁得從
嗣君游于留都時稱舉此堤之利賴頗遠而當日之
勞瘁庶幾其不虛且矢諾後日嘗有以繼封翁之志
而靳此堤之有基勿壞也蕃惟彰往詒來匪徒以載
世德即首事于陳繼美于馮而為闔鎮之民杜隙防
微以獲安全亦既萬年矣乃始紀其休實而稱述于
無窮所為美愛而傳者心公好不容泯者乎封翁
官故稱封翁云

高平縣志

貞集

卷十

五

諱春字應元號環溪以子養志為令考竄得封如其
蓋聞去莠所以治稼去盜所以安民盜之殘民也甚
于豺狼蓋豺狼之搏噬可避而盜賊之出沒無時也
是故設之關防嚴之重法誠畏之矣先王異服有
異言有禁其悖悖念民如此夫城市之中尚嚴儆戒

空倉嶺城堡記

謫守澤州賀盛瑞

况窮山僻野之地其害可勝言於是故盜弗去則民

外安官弗嚴則盜沸去高平沁水之界有嶺室倉劫
迫兩山之間中通一線之踞盜賊之淵藪行旅之陷
阱也取貨如寄積呂如丘咫尺之地不復有王法誰
司之牧令民困虐至此能逃其罪耶余乃會兩縣相
地度形請之當道議設城堡為安旅之計夫身不親
涉則有過情之疑事出創始則有經營之費向非深
恤民瘼者亦焉能使余請之必得也乃巡道陳公二
聞余言即歎息立行申請兩院空倉之役遂以就績

高平縣志

貞集

卷十

四

自此以往盜之息皆公之力也民之寧皆公之賜也
公之惠于是為大而民且食之不窮余嘗歎民之乞
靈于上也每有生死之急而上之足欲于民也特一
反手之勞蓋權足以自便力足以使民士之得時行
志亦一快也乃每有憚反手之勞亡生死之急彼民
竭輿馬之奉獻土地之毛不知何愛而供一人之恣
睢也恐心甚矣又焉以生消意外之虞籌難言之隱而
為斯民之父母乎蘓子曰民有寃而欲訴之如訴之

于天有不得已而謂其所欲如謂之于鬼神嗟夫民之困苦于上下之間也豈朝夕之故哉余故于空倉之事而重念夫公之仁弘且遠也推公此心其造福于冀南者當不知其幾而民之默受公德者又當不知其幾詩云凡民有喪匍匐救之其公之謂乎余辱在屬吏喜誦明德雖辭不能文而念不可已敢勒之石以垂公之德于不朽公諱廉由癸未科進士直隸元城人

邑令豫九王公去思碑記

馮養志

公治高平縣六年上計者再會廟堂振淹滯簡一時郡邑之最待次天官首下弓旌則自法始公既有威命不宿而戒朝車于時舉邑皇皇戀公不忍舍去相與當車啼泣自邑耶屬之境外亡慮數百千人擁塞郊關轍不得進公亦為之停車勞慰涿涿涕下沾衣也去之二年邑父老子弟思公不已介耆民邵雲鳴等過而問計不佞願乞一言紀公德將伐石而勅之

而亭之五父之衡俾夫出者入者游而憩者一舉目而公如在焉而淡吾儕之思可慰也不佞家食浸久公之行事業已習見習聞要以當情實而鮮色言宜莫徵于輿論邑于三晉為稱首所從來矣丁戊七年枵中已甚重以郵緇傳符之累益困憊不能支前令茲土者擊斷以為能四面畢張孱弱何所用命安丘馬令君至始一舉而更新之公忘之後利用寬安丘于是善為理矣公當其際而席休靜之遺有如厭成法

高平縣志

貞集

卷十

哭

而喜紛更于暴割何有顧沉機重發操法恕施守畫一布舊章務酌時宜而使境內先是市井無賴子附宗人為羽翼禦鄉人而魚肉之又城社神奸以告密為竒貨閭右循牆而走幸亡及其祈祈公曰藉不亟則莠將害苗亡寧以姑息故困吾赤子乃窮巢藪得渠魁數十人壹以重典繩之豪黨立盡一二未盡者亡不人人屏息思罪逸之他方矣然而非公雅意也公之意務在與民休息急教化而緩誅求居常同

門屏關者編氓自山谷至率如家人父子持令案而
得盡言又以時周行部中延見三老詢所疾苦而次
第行之費之七經起于多訟曰元邑也程伯子之過化
而堯舜禹之更都也豈其不堪誦于禮讓而好短長申
令民間諸以訟牒來者悉罷不為理必不可罷者牒
至而質成秉則衷辟則辟明曰見鷦鷯之睫深探罔象
之珠即有神奸未為之魁久之訟者罕至肺石虛無
人獄故多寃趙孟陽賀一宰皆以株連而陷大辟廩

得其狀關白當事者改從城旦春諸上大夫有不決
之詞又一一移公待理矣故事檄行保甲率取應文
新令未申伏莽者或竊發公至而長太息毋令皇皇
者燎原躬歷四境聯什伍讜干擷盜有左驗必誅餘
則與之更始于是鵠剋盡稅淵藪悉夷會有令城城
在事者役方興而得代于時事屬創舉境內未不賄
賄公諭告再三如之何憚一勞而忘百利躬自為植
勿亟而事速成即藁爾擬之金湯予以揖不逞消夫

箕土便已已稽賦稅曰徵輸七藝即潔已同歸
民自六戶直徵收顛覆相繼吾不能驟蠲其役若之
何重山之置積于門令納者自輸之積大戶第令以
時銷所總括而會計之即有羨贏分毫不及筭庫事
畢寧至歲省可數千金客以其私為公謀惡用見邠
而求且邑故稅商革矣徵里甲革矣役肆市隸之官
革矣一切七名之費僅僅于此佐之不則悉取諸官
中猶以不贍必貊而後可也公曰客休矣吾不能以

脂膏填巨壑即諸供億七所出愈益堅守成言乃謝
交游縣書邑門客自四方來者勿闌入或怏怏有後
語若罔聞知自採權役興地方騷屑已甚遂以部造
不中尺幅罰及守臣各邑惴惴有戒心必贖諸寺人
而後可公曰長此安極吾知勤所事備上供足矣失
得有命諸寺人何有焉會權使乘傳南至中以危言
鍵關拒之迄不為動已之士事然後知公之誠信格
上可貫神明也暇則脩明古文禮樂之事周視廟

者悉新之拓踞而南樹以綽楔甚偉歲時
督諸弟子殿最有差諸弟子以經術起家率其高等
比入謂士論高下等禮之先是公始至法時適苦旱
既而彌甚人皆以為憂公曰士憂吾當為父老子弟
取雨竭誠露禱以萬民請命于皇天頃之甘澍遍四
郊歲不為害則曰久旱之後得無穡不及時者乎則
饑者乎蕪粟賑貸人人果其腹而後即安疫作出俸
具藥餌以遣使就療之其饑疫不救率四外流人又令

高平縣志

貞集

卷十

五

里置呈我塚一區以掩暴骨凡此皆公精意于民視其
利病之所在翫體間也是以澤究人安阜成之理得矣
謂之循吏儔曰不宜夫舉世務以吏治立石乘人而
騁其口徒伺上若射隼罔下若掩群藉曰不波難以希
時好云天公獨循理亡害亡用已亡矜名可以得上知
而不必為可以不得上知而不必不為有所中譏而
不為阻有所中忌而不為懼誠心直道六載如一
根而回循吏之效可緊睹矣蓋嘗時衡古昔而知

神雀五鳳間吏治特成
天子為下重書勞賜且
徵入為公卿其吏民亦
皆信愛懷思相與俎豆之
于今弗絕也則竊意其入
必有蹕絕詭跡之事為當
世所豔而史之稱之曰
廉廩德讓君子而已夷考其
事仲卿廉平不苛次公
用寬和為名勞來循行以官
蓄積則渤海之治也出
八阡陌為民興利則南陽之
理也蓋卑及鰥寡煩及
泉渠細及菲葶菱芡之收賤
及牛犢鷄豚之畜屑屑
盡心焉無他奇也若其並時

之吏摧疆抑暴成不撓之
威違衆用察表難測之知
此其奇政多矣而傳循古
又者顧古取焉即如敞理劇
禁奸卓乎足述亦弗列于
廉廩之流豈非以循良之
政第取綏吐化偕古所事
丁奇也哉公雖以遷秩行于
官不為鼎貴乃既去而能
使人繫思之久而益切也
是公論不在上而在下也
向令意不在民政斬炫俗
吾恐赫赫之名易就而蚩
蚩之衆難欺即一旦都顯
士明得意矣民亦視之若

壘之尸祝何以稱焉君子考得失之林知不以彼其
此矣公諱省身字惟誠河出西華縣人舉戊戌進士

重脩董公祠記

邑令田景新思南人

夫記以記言記事匪記人也不知其人可乎然言事
真則其人見矣董公琦正德時來令高平其蒞政若
而年弘施若而事皆不及口兄讀縣志則一覽曠然焉
新邊鄙侏儒其生也晚耳食若近心飲若遠以故讀
其志不知其人此政新之病也病不克將誰使正之

高平縣志

貞集

卷十

五三

因志見心政新之藥也志曰今行禁止美哉奕奕乎

國無玩也再曰民事相安美哉洋洋乎國無瘳也又

曰前有楊父後有董母天哉墳墳乎生死而骨肉之

國盡化也數者備具而尚不知其人者未免於癖也

讀往事而未免於癖此何故哉蓋往事一也有與往

人同心者讀志可也不讀亦可也有有志未逮而向

慕往人者此善讀志而有待者也有心知往人之是

而竊以飭今之非者此巧於讀志而謬附者也新不

敢謂上同往人之心乃讀董公之志歷董公之祠
向慕焉而未能也敢妄記董公之言記董公之事並
不記董公之人恐識者曰此殆知往人之是而竊以
飭今之非者是亦巧者也則新千載之下有餘愧已
董公之人不以新不記而不彰也董公之德至今在
民觀其家兒瑤函真靜蘭茁其芽則人之不朽又可
知也欲求公之人者當自公之德求之豈新之所能
記

高平縣志

貞集

卷十

五

序

送子房王父母調河內序

王邦柱

公受妻吾法未踰半載遂調河內門人龐太
樸陳烜負笈從遊一時培植之士贈行詩歌
甚衆余作
序以贈之

余曩觀于東萊之風知掖有子房王公者文章名海
內朕不以帖括為工綜覽今古于兵食禮樂天官與
地諸書無不挾奧探微於圖挾實蓋儒冠未晚早已
裕綏綸當世霖雨斯民之才之志已天下繫望公群

亦待澤如儉穰寒續旦莫恐後也比丙子據京關丁
丑第南宮筮仕高平竊幸以群所待澤者余邑獨先
被焉殘黎可為邑起矣己卯春初役戎馬倥偬中間
關抵任至則真惻求瘼得所為疾苦狀輒條之諸司
且將圖上宸旒也境以內肅然一清即故稱南陽不
可問者憚公威易姓名潛遁去問左晏如也甫下車
屬有較士之後所品題胥忻服競誦公隻字為鍼指
一時蒸蒸丕變又力言于學使者得增應舉額蓋公

以文名世故于造就人文為甚殷云諸所興釐皆酌
機宜而次第布之如馬如濠新猷方在播敷居未三
月銓部以公調河內聞者皇皇如失怙恃聚族而語
曰而亦知公之為政乎或曰鄉隅之民雖未公識但
自公來耳不聞追呼之聲目不覩輿隸之迹鷄犬亦
遠或曰往者過師扉闥毀室麾之不出今也城門不
閉士無敢入伊誰之力或曰吾凡一絲一粟無不受
直市于民何如市于公之倍其息或曰資吾種緩吾

者餘十限之功以深吾耕或曰八口纔給百後如
織何似蕭狀四壁公惟寬我一切自今眠始貼席或
曰我衆嗷嗷累日不火何以假之須臾公之推食食
我或曰賦之數徵之數解之數按簿而足心如水公
之素或曰有隱必剖無抑不伸吾質吾成而已何煩
束矢與鈞金或曰灾稔未已潢池紛起非公之建威
銷萌亂知焉底矧曰其寧幹止或曰餘骸久暴以歲
以復豈惟緩我生民澤且及于枯骨已群泣曰如此

公而可使舍我去乎則奔控本道請留而兵憲李公
粹然河內人也笑應曰令而邑則予僚屬也今河內
則予父母也予亦欲以賢僚屬自予也顧能以賢父
母予人乎逞矣無復言又請之兩臺口微而言吾亦
為而計之顧未聞不得輕留之旨乎適日事耳衛介
而再瀆奉使者將隕越是懼可若何其不謀而請聞
者數百千人例先白銀臺曰逖矣父老情甚懇可念
者不聞通者不得輕留之旨乎而事也衛命而再

言者將頌越是懼可若何無已則擁公與海其
行河內迎公者退諸境外不使入更相誠無一侮居
得主久之而公竟不得去懷人寤請上黨謁李公曰
法今令吾令之法民乃固爭有可奪公何不以官治
之使桑梓早得慈父乎李公以上命慰諭法父老衆
涕謂公即誼不可留顧繡審非公誰屬者公乃誓于
神時以公慎惇無告者除之稍稍以饒有力補其額
邑人率歡呼曰公之遺愛也史稱王忠文移知饒饒

高平縣志

貞集

卷

五

民走諸司乞照不得至銜其橋以邀之橋復葺而聖
公之名著杜和公知乾未幾以治行遷鳳兩地民皆
以我公爭諸界上昔賢善政足令人繫慕者廼公俱
再覩之猗與感笑于是公蒞河內且有日河內古單
懷地在太行之趾距巔北不三舍即為余郡若邑邑
之人日往來于懷者無虛晷第惟羊腸一綫扼衛北
之吭一夫橫壑而兩境中劃蓋無事則呼吸通焉有
事則輔車倚一者也昔蕭王以河內險要難得

必得文武備足牧民御衆之才如寇恂者而後
之建武勞佚于穎則曰賢良相去不遠河潤九里黃
維城蒙福蓋地得人乃重人得異地尤賴之非規規
隅畫而理也今寇氛未息方耽耽窺渡河內首衝稱
險要固知尹此者非公不可而近余邑甚不啻穎之
于維以公控禦其地誰敢有橫據太行一片石者山
以北可安枕卧也由斯以往法人蒙公福豈有量哉
抑余又聞之蕭望之材優輔相元康用之更治民以

考功為平原日淺復試之左輔我皇上神聖隻千古
所擢用破格例旤卜之名廣及外僚其非起家長令
者至不得與館職于民功若斯重也公為高平日淺
茲之河內得久治有成績可勅上窠而館職而旤卜
可操契符焉廟堂借其絲綸蒼生被其霖雨公之才
志乃始大展而畢竟其蘊高平也河內也摠若萬卉
之嘘于春陽孰匪公澤孰得公而謂獨我澤也哉
乃其兆實自余邑始自余邑之尸祝公獨切終未已

以他境擬也

諭蝗文

參政孫 因

予一日行野中見有伐鼓舉烽者意其捕寇而即戎就而問焉則盡田間之老農也得物狀甚怪喙剛而銚目怒而黠或振其股或掀其翰羽翼未成已學飛舞兩腋之下可達一緯余異其狀問于田父田父愀然曰子識今秋飛蝗之狀乎此其子孫而彼其父祖也官命我輩捕之余曰蝗何負于官而見捕乎田父

高平縣志

貞集

卷十

五九

仰天泣涕曰是害吾稻黍者也王法之所不恕始喜小人謂為瑞物也炷香而祝其來既來矣則田毛山髮化為黃埃然後知其為災初以為祥後以為殃昔恨其來暮今懼其不去吾小人惟無知故若此觀子之貌類學古者乃亦懵然何哉吾小人記為兒時從村市一老生學授我一書我息名而記其畧曰某食苗心者某食苗節者某食苗根若葉者又曰吏侵牟生蠶乞貸生蠶冥冥犯法生螟賊害無辜生賊然自

至戴白未識其形色也今雖識之及不預
余曰能盡去乎曰不能然則吾為若諭之使去可乎
曰幸甚恐不可諭耳余曰金石無情可動以誠昆蟲
無知可格以理蝗能為害亦能聽吾誠矣試掇魁傑
者數輩置于前詰之曰使汝害稼天歎人歎惟天惠
民必不使爾為吾民痛也苟官吏招汝則民何辜且
食民天也汝啖民之天以充其體膚天將汝誅矣速
去無久居頃之若有昂首揚目趨趨而股鳴者聽之

若曰今為害者獨我乎牟人之利以饜已之欲者非
蝗乎食人之食而誤人之國者非蝗乎利口而邦之
覆磨牙而民之毒者非蝗乎故窮奇饕餮虞之蝗也
夷羿殪浞夏之蝗也受辛億萬商之蝗也獬犗家伯
仲允聚子周之蝗也齊豹庶其牟夷黑股春秋之蝗
也儀衍申韓楊墨列惠列國之蝗也鞅離斯高剪卻
窮欣蝗于秦者也酷吏游俠外戚佞宦蝗于漢者也
人者如是小者不可等之自漢而下蝗日益盛民日

蓋病蝗日益頽民日益瘠雖唐之貞觀開元間號
樂歲蝗未熄也嗚呼其為害三千餘年矣跼跼躍躍
實蕃有徒去之復生芟之愈甚其虜有既乎必有良
史特書屢書而胡獨罪予且夫節按常程無非急征
鬻獄賣判價隨輕重外托公計內為己贏若是者不
謂之蝗可乎櫃金囊白峙如山嶽爭餽苞苴道途盤
錯一筵之費或至千索咀嚼已竭未厭溪壑不稼不
穡取禾三百若是者不謂之蝗可乎大昕會朝崇朝

退食水珍陸菁映照巾篋是中其誰羔羊正直乘馬
從徒呵哄塞衢鳴玉曳履鏘鏘步趨明旦封事問之
則無月廩都內錢日廩太倉粟輔郡致醇醴京府飾
居屋休問坎伐檀不論鼎覆餗若是者不謂之蝗可
乎屯雲百萬老弱相半問其所工鍼鞞皂殺負米已
喘執券已汗瘵衣麗孺市廛嬉愉私茅一占終身晏
如食粟而已亞其其餘此冗兵之為蝗也官如傳舍
及子孫所在

而黑涅復為官軍此史胥之為蝗也條關廣殿金
鐵炳烜土偶蒙珠牆鏢湧鈿黠首無知禍福驅煽此
夷鬼之為蝗也節察防團透刺等官本待有功豈為
養安養安以逸坐糜厚秩率民戶百不能供一賦吏
斥歸更得廩祠豈念祠廩亦民膏脂推此以往其他
可知貴介姻族仍及僮僕倚勢逞豪飛食人肉鼓吻
弄翼遁跡以目此此皆人其形而蝗其腹者也其為
民害章章如是右夫墮田之農淫浮之技曳縞之商

綦組之女徒倚市門之子假飾衣冠之士瑣瑣碌碌
者尚不與此然則豐年富歲常有數十百億萬飛蝗
在天下斲人骨髓豈特食稻黍而已况害稼者有時
害民者無期害稼者遇循吏如魯中牟則不入境今
聖天子齋居潔齋至誠動天我雖無知將率我族類
而遠遷矣然我族雖去斯民終未得晏然也使若蠶
未殄天下寧有也豈年予聞其語書以自省且俾觀
者述以為有位者焉

案鞠主人自誌實蹟文

李向春

恩晉人李姓名向春字元甫里人號
耕和泉翁祖貫
沁源唐遷長平王寺有顯者後派分城北家焉明時
相傳五世祖諱桂配趙母生高祖密配吳母生曾祖
攀配程母生祖義官鶚元配張繼邢母庶秦史韓呂
史母生父壽官芝配常母嘉靖乙未甲申戊寅壬戌
孕七月生愚極弱腹腸露景母懼于方溫養劬勞致
疾幾不起踰百日始而全庚子入籍以丁僉解累父

高平縣志

貞集

卷十

三

辛丑入塾館乙巳出就外傳治春秋壬子親迎于田
岳父用坤配王母嘉靖癸巳庚申丁丑庚戌生荆人
歸愚勤苦節儉蘋蘩中饋始終託之甲寅督學陳收
愚入泮乙卯常母捐壹縗奠慟甚恨不隨母地下丙
辰父絃續邵母初父蚤孤愚入學後外侮時有煩賦
莫支愚晝服勞夜繼晷險苦倘嘗在申宋督學考優
食餼於庠嗣是屢考冠群辛酉甲子不第丁卯房考
徐已拔首薦感病出闈壬太守嫌非已出擠落孫

臨僅給牌金以獎乙巳督學袁北復首錄有恩命
特授實國學庚午復落京闈凡五科不售埋首弗識
壬午有勸選者愚與詞謝未幾父亦促之不得已赴
銓癸未考授西鄉令過里迎養不推改命單往六月
抵任以在京誓詞謁城隍廟焚之曰揭誓懸於堂無
非杜請託戒貪酷無愧為父母兩字不枉儼臣于
場乃其志也舊規縣上下供費通窳見年十六里自
領規則茶已徵銀四百八十兩矣以沿積弊用里申

高平縣志

人貞集

卷十

高

總里每日私貼銀二十五兩六錢愚蕪知里甲盡放
歸農請上僉買辦老人八名季用二名每名給工食
銀二十五兩領徵銀管支季終清并官補不足歲計
可省民財萬金洋河有堰灌水東三壩田甚厚僅文
餘歲多衝决愚設處公費堅築厚壩長四十五丈民
且百世賴之他如補黌校新教場旌孝子表節婦獎
善人治惡黨舉鄉約飭牌甲屏茶稅覈盜販平二
下不決訟洗十一命無影克此皆心誓詞不愧書

去冬患遼疾十六鄉大合民衆祈天設醮聞愚嘗謂
不遠數千里赴關保留至見編審榜衆辭易舉赴庭
叩者數萬人門擁不獲入者不知凡幾也睹離任車
攀轅卧轍至有送三五百里外者悲啼如失怙恃也
誦呂涇老去蒲語庶幾可少對君父乎丙戌有父又
憫之行愚不忍捨風燭留養丁亥父捐館尚得手扶
就木且得遷母柩同歸寔安郭春吾公東志其墓丁
未邵母亦仙逝治喪如父卜葬期陰陽家持其說需

高平縣志

貞集

卷十

七

三年後愚謂不孝今七十三歲倘罪浮羅鞏何類見
先君事迫悲台為母志封樹亦克襄焉嗟夫三柩
雖合一命未沾所不盡懽獨此愚歸丙戌至丁未拓
祠墓殉社學建六廟開闢族黨賑親隣著有家譜家訓
面庭鏡觀錄宦遊林野集愚拙評正足箴遺囑其他
記序詩詞書啟扁對志誅帛挽雜作若邑志人物鄉
飲正賓有國論鄉評在賢譽詎可自料哉子男六孫
男十三曾孫二十一壽八十七歲因夫人八十八

蓋竊比宋穎川陳先生堯佐自志其墓不敢銘有記
記曰南國謳崇頌無虛鞅掌御北宮詠菊吟那負折
腰米西封唱藥令堰碣千秋鐫東卧懸椿侯瓏珉百
世紀

此先生世譜也以累世積德而有象賢之胤誠為
攸宜矣何乃以懸弧之期孱弱殊甚當此之時指先
生而言曰子若千人孫若干人壽躋若干歲疇其
信之洎夫成童入序彊仕作令其為偉然大丈夫

高平縣志

高平縣志

卷十

六

也不有訝而異之者乎雖然煌煌激誓清白相傳
推斯志也與日月爭光可也卒之子姓繁衍享有
大年至今日而司馬公家聲大振天之報施善人
為何如哉余知將與李氏世家後先輝映矣年家
後學龐太樸記

論曰三晉風淳習厚無江以南標榜好名之習士
之以文見者少矣如詩賦所傳僅空谷之音耳至
于疏說記序祇見一斑未窺全豹邇者風氣漸開

文華曰盛然宏各樹幟人欲登壇唯雄始末易也
也嗚呼作者難識者不易豈獨今日為然哉雖然
孟堅之金馬石渠特充典冊虞卿之著書立說止
寫窮愁蓋亦有幸有不幸焉要之士君子苟可自
見安知無識哉退之於數十年後如穆伯長其人
者乎



脩志紀事

高平縣志遠不可稽明正嘉靖三十七年司空郭一泉先生鑿補其缺遺正其謬訛質而有體迨萬曆四十三年前令昌平劉公應召重為纂脩庠士張國經王民皞唐繼臬常毓和校閱

成書夏官大夫馮養志以簡序其事斐然可觀矣嗣是天啟年有重脩志書之令當事者止增叙文因仍舊制續加官師貢舉歲書不謹致不肖之徒刊補穢濫不足信徵順治十五年十月內奉

憲檄脩志余集闔邑紳衿公議重校
務欲力剔宿弊細加核實一切孝節
義耆之科輿論弗許者不入若其裁
併彙集刪節評斷則脩志諸公之力
居多也至於從舊志斷中或錄其全
論或採其數言蓋不欲以今日著述
掩前人之善識者自能辨之也


高平縣志

貞崇

卷十

卷九

范繩祖克武父識



邑志為一方文獻之書既經校列務
立關防二堂內置一大櫃兩道高鎖
鑰匙匣入庫刷印即在公廨稟明啟
請印畢仍貯櫃中不得取出衙門以

防利刻其官師舉貢續增者止取
一葉更為驗刊永著為例入交代冊
中有地方之貢者慎之克武氏約

高平志跋

嘗覽一統志即可稱

外史曷為邑初有之

曰今之邑古之國也

邑之乘國之史也法

為文獻邦以美其志

高平縣志跋

郭

自弘嘉以還備之者

再三作与述幾無遺

力惶惶守鉅典亦但

改通而後諸允闕畧

不勝指非起而更新

之其何以為後世

邑侯范老大人勵治五
龍百廢俱興復留神
掌旂悅然以修纂為
己任循爾容以採訪
者謀野心延薦紳鄉
先生暨諸庠士佐未

高平縣志跋

郭

二

得以共厥役未匝月
而告竣將付剞劂氏
又屬佐以文簡未竊
不揣為續貂乏詞蓋
時當鼎革其間風景
多遷以聲名文物其

乘此一變守當致
之九五曰大人虎
而孔子即以此文
揚之所為以草之
故而蕙鼎之取新
下文文章莫大乎
是今

高平縣志

八朝

三

花封百里
後之餘輝
備明與
時所發者
節閔千
而勸德
高之非
以公

非信非信以非傳獨
賴夫人夜浴禱取考
取對神矢誓以鐵面
為鐵其其為之是乘
者一唯中諸輿編絕不
以成見無其中於時

高平縣志

入郭

四

適駮投襲刻期考業
抑何有况以且情好
爾爰剛繁以就簡印
舊以增新未書以按
其綱分書以詳其目
一做學陽遠意至

分門別類。類前。三。志。之。不。讓。競。是。彼。也。揚。蘇。而。強。翰。者。厥。先。生。也。執。簡。而。較。訂。者。李。趙。諸。先。生。也。供。學。研。以。今。闕。者。二。三。博。士。

高平縣志跋

郭

五

弟子也。若夫酌其。去。亦。存。獨。裁。獨。斷。以。成一。信。史。者。以。大。人。為。政。予。小。子。何。力。之。有。焉。六。推。過。一。親。厥。以。紀。一。方。之。文。獻。

高平縣署教諭

高平縣署教諭

卯元佐謙跋



高平縣署教諭